

李璞菴纂修

博雅堂志

鏡心堂藏板

重修博興縣志序



邑志何城乎古者左史紀言
右史紀事下洎列國莫不有
史晉乘春秋其較著已自封
建廢爲郡縣國除不得置史
史之職乃專在王朝然以四

李序一

海九州之遠耳目有所未及
諮訪有所不周考俗辨方要
舉其大綱而止而有心之士
司牧一邑徃徃采集舊聞網
羅軼事條分縷析嘗萃成書
名之曰志所以彰制典垂法

戒與史一也我

皇上御極以來久道化成光被
六合海隅日出重譯來朝往
詔纂一統志並

大清會典既已次第告成而直
省州郡通都大邑遐陬僻壤

李序二

靡不修明故乘藏之外府以
供輶軒之採擇幅輳之大載
籍之盛亘古所未有也我二
東爲畿南近省其隸於青州
者有古博昌邑類年河道淤
塞積澇爲災鴻窳沉廬民無

寧字余訪知疾苦捐俸請濟
而專其任於邑之李令令戴
星出入畫理勤劬河流底平
汙萊盡闢而余以巡海之役
道經其地邑父老遮道環轅
口誦長吏之賢不置余顧而

李序三

樂之越

李令手一編

進謁曰博昌雖彈丸邑亦三
代文獻之區也向以開闢凋
敝有司救過不遑邑乘闕然
久矣今患去民安訟獄未息
得與一二紳士稍稍修輯用

傳傳昌之掌故焉敢乞一言
以光簡首子披覽終帙嘆曰
兼載典而核博而有要其古
良史之遺乎夫史以紀往亦
以昭來故志方輿則載封植
清遠之道志疇置則表興廢

李序四

因華之宜志田賦則覈盈虛
登減之數志官師則忠信慈
惠之必錄志出禮則飲射饗
祀之必詳志人物則言坊行
表休烈猶存士彞文則國雅
民風菁華常在至於河渠一

志遡源流陳要害述昔百年之
昏墊敘今日之成勞以俟後
之君子綢繆於勿替焉此又
一邑之生命所關而操筆者
用意尤切也得是志而存之
博昌之民庶幾耕田鑿井長
優游於

李序五

堯天舜日之中乎余將藉手以
仰答

聖主愛民如赤之至意而長茂
循良之績亦與此不朽矣豈
偶然哉於是乎書



寄

康熙六十年歲次辛丑秋八
月穀旦

欽命巡撫山東等處地方督理
營田兼理軍務都察院右副
都御史監督臨清鈔關倉儲

李序六

兼管錢法事務加七級紀錄
十二次仍帶軍功一等鐵嶺
李樹德我郵氏撰



重修博興縣志敘

昔孔子之論政曰其人存則其政舉是知天下之政亦視乎人而已矣乃世之策仕者未卜政先卜地動曰某地善某地不善某地易于有爲某地艱于奏績王序一嗚呼彼其人不自奮徒欲享成巢之屋耕既菑之田以僥倖于無過亦可知其竊位苟祿備位全身而無所短長之甚者矣尙可以問政乎哉夫盤根以別利覬慕溪下澗以識駿馬是故不

遭洪水不顯神禹之奇不封斥
鹵不知太公之畧待文王而後
興者凡民也僉云不可而必爲
之者斷非豪傑之士不爲功博
昌青屬下邑也濱河瀕海土瘠
民貧且歷年告災不絕問其民

王序二

則流亡矣問其田則污萊矣問
其城垣則恃陋不備問其衙署
則灰劫無存學宮鞠爲茂草廬
井半爲丘墟一郡之中誰復屈
信博昌也者邑令李叱馭而至
慨然曰是豈不足爲政耶夫

西門豹有漳水而不能用識者
譏之召信臣築陂南陽溉田萬
頃民用饒足文翁授經西蜀風
教等於齊魯天下豈有不可爲
之地哉亦顧其所以爲之者若
何耳於是殫精淬神規形度勢

王序三

銳然更始議開河議墾地議葺
城議建學議治官舍凡可以
民之困阜民之財興民之行
靡不上之當事請而行之五
載以來紀綱肅然百度具舉
境內衆丕變一新二東之間
誰復

不知博昌也者復于退食之暇
咨文考獻爇火校讐成志一編
乞余爲敘余不禁撫卷而嘆曰
甚哉李令之才大而謀遠也夫
今之居官守土者縈心于簿書
錢穀勞形于鞅掌風塵雖處庶

王序四

蕃極盛之地亦復不暇從容墳
典從事丹鉛爲垂世行遠之業
李令獨振起凋敝之餘且當兼
篆紛紜之日百忙一閒分餘力
以爲此斯已奇矣余又觀其善
莫山川察風土修明制度一切

表彰潛德與揚厲風騷在他志
祇爲方策之具文在斯志俱爲
設施之實政然則君之所以治
博昌與博昌之所以戴君及後
日之爲博昌而有考者具在是
矣寧徒以翰墨之長與文人學

王序五

士鬪麗爭工而已哉夫乃知天
下有治人斯有治法第患人不
能爲不慮地不可爲人存政舉
聖人之言實爲信而有徵彼世
之碌碌無奇不自振拔而動以
衆阻自護者實斯志也毋亦有

奕然自失蹶然興起者乎是爲序

山東等處承宣布政使司布政使加三級紀錄五次廣寧王用霖撰

王序六



重修博興縣志序

東省數被水患

大中丞體

皇上如傷若保之心切已饑已
溺之責集議開河念鄒章長
山高博新樂被患尤劇特飭

程序一

監司總理而專其任於博之
李令余於戊戌奉

命受事循例檄飭檄行未幾而
李令報竣之書遂上未數月
卽大霽雨七邑獨不爲災由
是頌聲翕然播聞遐邇余竊

惟其奏效之速而成功若斯
之易也既得其成志一編披
覽竟閱余乃撫然而嘆曰此
卽李令之所爲治譜也夫夫
世亦多爲志者矣然祇摭據
故實蹈襲陳言演繹裝潢以

程序二

資文具持以律政則皆爲紙
上之空談而畫餅之不可療
饑者今觀李令此志山川形
勝其所露冕巡視者也戶口
丁徭其所勾稽核實者也城
邑衙舍學校官墻以迄橋梁

道路陵墓古蹟非其所創建
卽其所整理也斷簡殘篇幽
光潛德亦其搜羅而表彰之
者也此皆以經濟爲文章非
徒治河之有倫有理而已余
乃知其信義之孚人者至仁

思之入人者深用能趨事赴
功其應如響不動聲色而成
此奠定之大猷也班固有言
曰雖有堯舜之盛必有典謨
之篇然後揚名於後世冠德
於百王然則李令之可傳者

固不以志也而徵文考信不
有因志而益傳者乎余故不
多李令能爲志中之言而多
李令能爲言中之事用弁數
語於簡端以附劔首之一珉
云

程序四

晉

康熙六十年辛丑歲八月山
東等處承宣布政使司分守
濟東道兼理通省驛傳事務
提刑按察使司副使加五級
孝感程光珠撰